


Wet  
5471













# LETTRE DE LA

ROYNE ENVOYEE

au Marechal Desdiguieres.  
res.

*9. pit*



Imprimé à Paris chez Pierre des  
Hayes, demeurant en l'isle  
du Palais, au nom de  
Iesus.

---

M. DC. XV.

Case

F

39

.326

1615.mai

THE NEWBERRY  
LIBRARY

LETTRE DE LA ROYNE  
ENVOYEE AV MARESCHAL  
Desdiguere.

**M**On Cousin, ie ne mesuis tant ha-  
stée de vous rescrire sur le sujet  
du partement de ceste Cour de mon ne-  
veu le Prince de Condé, & des autres  
Princes qui en mesme temps s'en sont  
aussi absentez, d'autant que mondit Ne-  
veu ayât prins congé du Roy Monsieur  
& fils, avec promesses de reuenir toutes  
& quantesfois qu'il en seroit requis, pour  
le bien de son seruice, & les autres ayant  
fait le semblable, i'auois tousiours creu  
que cet éloignement estoit plustost pour  
visister leurs maisons, & se donner le  
plaisir de la chasse pour quelque temps,  
comme mondit nepueu & les autres ont  
fait souuent que pour aucun autre be-  
soin : neantmoins ayant appris qu'ils  
monsteroient auoir quelque mesconten-  
tement, i'ay fait ce qui m'a este possible  
pour m'en esclarcir plus particuliere-



ment, & avec plus de soin que ie croy  
qu'ils en ont moins de sujet. Car s'ils  
se plaignent pource qui est de leur par-  
ticulier interest, ie puis dire avec ve-  
rité que mondit Nepueu & tous les-  
dits Princes, ont tousiours esté bien  
veux, accueillis & honorez par le Roy  
mondict sieur fils, & par moy qu'ils  
sçauroient raisonnablement desirer. Et  
pource qui touche l'administration des  
affaires, outre que par la forme ordi-  
naire que nous obseruons tous les Prin-  
ces, Ducs, & Officiers de la Couron-  
ne, sont aduis aux Conseils qui se tien-  
nent pour cet effect: Il est tres certain  
qu'il ne s'est exposé aucun traicté n'y  
negotié aucune affaire d'importance  
que lesdits Princes, & specialemēt mon-  
dit Nepueu, ny ayent tousiours esté ap-  
pellez, & mesme qu'elles ont esté sou-  
uent differez & remises pour attendre  
leur commodité & presence, & d'avan-  
tage pour le regard de la distribution de  
graces & biens-faits, chacun d'eux en  
leur particulier, & tous ceux qui ont  
esté recommandez de leur part de si bōs  
villes, & aduantageux effets, qu'ils  
n'ont raison de s'en plaindre si par apres

il est question des affaires generalles, elles ont esté administrez depuis la mort du feu Roy mon Seigneur, de telle sorte qu'il se peut recognoistre que nous n'auons rien obmis de ce qui pouuoit seruir au bien, grandeur & reputation de ceste Couronne, ayant prins soing pour le dehors de ce qui conseruoit les amitez anciennes d'icelle, avec tous les Princes & estats voisins, ce que par la grace de Dieu nous à succédé si heureusement, qu'à iamais elles ne furent en meilleur estat. Et pour ce qui est du dedans du Royaume, ayant donné ordre, comme chacun sçait à faire obseruer soigneusement tous les Edits de pacification entre les sujets du Roy, & de maintenir tousiours & conseruer entr'eux vne bonne paix, vnion, repos & tranquillité, outre que i'ay apporté tout ce qui estoit de mon pouuoir pour le soulagement du peuple: & puis dire que i'en ay eu autant de soing, qu'encore que nous ayons esté chargez de grandes & excessiues despences, neantmoins l'on n'a fait aucunes leuees ny impositions extraordinaires: & qu'au contraire il se trouuera qu'elles ont esté dimi-

nuees en plusieurs occasions : & d'auan-  
 tage nous auons maintenu & conserué  
 tous les autres odres & estats, chacun en  
 leur autorité & fonction accoustumee  
 tellement que ie ne puis cognoistre quel  
 veritable fondement lesdits Princes ny  
 autres puissent prendre de se plaindre  
 ny pour le general, ny pour le particu-  
 lier : Neantmoins considerant bien que  
 ceste retraicte avec ces tesmoignages de  
 mescontentement, & bruits qui s'espand-  
 ent & augmentent, à ceste occasion  
 pourroient produire de mauuais effects  
 dans les Prouinces au preiudice du re-  
 pos du public : i'ay pensé prendre surée  
 les moyens les plus conuenables pour y  
 remedier & par cet effect ayant assem-  
 blé les Princes, Officiers de la Couron-  
 ne & principaux du Conseil qui sont  
 prez de nous, i'ay enuoyé par diuerfes  
 fois vers mondit nepueu le Prince de  
 Condé pour le conuier & prier de reue-  
 nir aupres du Roy & de moy, pour pré-  
 dre & tenir le lieu & rang qui est deub  
 à sa qualité, & nous y donner ses Con-  
 teils & assistances sur toutes les occur-  
 rences: mesmes sur les grands & impor-  
 tats affaires qu'auons sur les bras à quoy

i'esperois qu'il se d'eust resoudre suivant  
la promesse qu'il en auoit faicte à son  
parlement, & qu'il n'a voulu faire: donc  
en suite de ce pour monstrier claiement  
la verité de mes actions passees, i'ay re-  
cherché les voyes qui sont les meilleures  
pour donner vn bon ordre & affermis-  
sement au bien de cet Estat à l'aduenir.  
C'est ce que ie puis escrire pour le pré-  
sent sur le sujet de ce qui s'est passé,  
dont ie vous supplie pendant ce trouble  
aduertir ceux qui sont sous vostre char-  
ge, & de prendre garde a vn chacun en  
ce qui depend de l'oy: Affin que toutes  
choses soyent contenues sous l'obeissan-  
ce du Roy & obseruatiō de ses Edits,  
selon l'ordre accoustumee, sans qu'il y  
soit apporté aucune nouueauté ny alte-  
ration, & que l'on s'oppose à tous ceux  
qui voudroient en quelque sorte que ce  
soit troubler le repos de l'Estat, & pré-  
judifier au bien public & au seruice du  
Roy: & sur tout vous aduertirez les vil-  
les & communautez qui sont sous vo-  
stre charge de faire bonne garde, & de  
s'opposer à toutes guerres & menées qui  
se pourroient faire parmy eux, contre le  
repos & tranquillité & le seruice du Roy



mondit Sietur & fils, ainsi que leur mari-  
dons par lettres expressees & que ie m'as-  
sure que scaurez bien faire observer.





